



香  
風  
四

韓文卷之一

香  
風  
四

月巡按直隸監察御史新會莫如蘇重

賦

感二鳥賦

貞元十一年五月戊辰愈東歸癸酉自潼關出息于河之

陰時始去京師有不遇時之歎見行有籠白鳥白鸚鵡而

西者號於道曰某土之守音某官使使去聲者進於天子東

西行者皆避路莫敢正目焉因竊自悲幸生天下無事時

承先人之遺業不識干戈耒耜攻守耕穫之勤讀書著文

自七歲至今凡二十二年其行已不敢有愧於道其間居

思念前古當今之故亦僅志其一二大者焉選舉於有司

韓文

卷之一

一



與百十人偕進退曾不得名薦書齒下士于朝以仰望天子之光明今是鳥也惟以羽毛之異非有道德智謀承顧問贊教化者乃反得蒙採擢薦進光耀如此故爲賦以自悼且明夫遭時者雖小善必達不遭時者累善無所容焉其辭曰

吾何歸乎吾將旣行而後思誠不足以自存苟有食其從之出國門而東驚觸白日之隆景時返顧以流涕念西路之羌永過潼關而坐息窺黃流之奔猛感二鳥之無知方蒙恩而入幸惟進退之殊異增余懷之耿耿彼中心之何嘉徒外飾焉是逞余生命之湮阨曾二鳥之不如汨東西與南北恒十年而不居辱飽食其有數况策名於薦書時

所好之爲賢庸有謂余之非愚昔殷之高宗得良弼於宵寐孰左右者爲之先信天同而神比及時運之未來或兩求而莫致雖家到而戶說祇以招尤而速累蓋上天之生余亦有期於下地盍求配於古人獨怊<sub>音超</sub>悵於無位惟得之而不能乃鬼神之所戲幸年歲之未暮庶無羨於斯類

復志賦

并序

愈旣從隴西公平汴州其明年七月有負薪之疾退休于居作復志賦其辭曰

居悒悒<sub>音暗</sub>之無解兮獨長思而永歎<sub>音難</sub>豈朝食之不飽兮寧冬裘之不完昔余之旣有知兮誠坎軻<sub>音可</sub>而艱難當歲行之未復兮從伯氏以南遷凌大江之驚波兮過洞庭之



漫漫至曲江而乃息兮逾南紀之連山嗟日月其幾何兮  
攜孤嫠音而北旋值中原之有事兮將就食於江之南始  
專專於講習兮非古訓爲無所用其心窺前靈之逸迹兮  
超孤舉而幽尋既識路又疾驅兮孰知余力之不任音考  
古人之所佩兮閱時俗之所服忽忘身之不肖兮謂青紫  
其可拾自知者爲明兮故吾之所以爲惑擇吉日余西征  
兮亦既造夫京師君之門不可逕而入兮遂從試於有司  
惟名利之都府兮羌衆人之所馳競乘時而附勢兮紛變  
化其難推全純愚以靖處兮將與彼而異宜欲奔走以及  
事兮顧初心而自非朝騁驚乎書林兮夕翔翔乎藝苑諒  
却步以圖前兮不浸近而逾遠哀白日之不與吾謀兮至

今十年其猶初豈不登名於一科兮曾不補其遺餘進既  
不獲其志願兮退將遁而窮居排國門而東出兮慨余行  
之舒舒時憑高以迴顧兮涕泣下之交如戾洛師而悵望  
兮聊浮游以躊躇假大龜以視兆兮求幽貞之所廬甘潛  
伏以老死兮不顯著其名譽音非夫子之洵美兮吾何爲  
乎浚之都小人之懷惠兮猶知獻其至愚固余異於牛馬  
兮寧止乎飲水而求芻伏門下而默默兮竟歲年以康娛  
時乘閒以獲進兮頽垂歡而愉愉仰盛德以安窮兮又何  
忠之能輸昔余之約吾心兮誰無施而有獲嫉貪佞之濇  
濁兮曰吾其既勞而後食懲此志之不脩兮愛此言之不  
可忘情怙悵以自失兮心無歸之茫茫苟不內得其如斯



今孰與不食而高翔抱關之阨陋兮有肆志之揚揚伊尹之  
樂於畎畝兮焉富貴之能當恐誓言之不固兮斯自訟以  
成章往者不可復兮冀來今之可望

閔巴賦

余悲不及古之人兮伊時勢而則然獨閔閔其曷已憑文  
章以自宣昔顏氏之庶幾在隱約而平寬固哲人之細事  
夫子乃嗟歎其賢惡飲食乎陋巷亦足以顧神而保年有  
至聖而爲之依歸又何不自得於艱難曰余昏昏其無類  
望夫人其已遠行舟楫而不識四方涉大水之漫漫勤祖  
先之所貽勉汲汲於前修之言雖舉足以蹈道哀與我者  
爲誰衆皆捨而已用忽自惑其是非下土茫茫其廣大余

壹不知其可懷就水草以休息恒未安而旣危久拳拳其  
何故亦天命之本宜惟否泰之相極咸一得而一違君子  
有失其所小人有得其時聊固守以靜俟誠不及古之人  
兮其焉悲

別知賦

余取友於天下將歲行之兩周下何深之不卽上何高之  
不求紛擾擾其旣多咸喜能而好修寧安顯而獨裕顧阨  
窮而共愁惟知心之難得斯百一而爲收歲癸未而遷逐  
侶蟲蛇於海陬遇夫人之來使闢公館而羅蓋索微言於  
亂志發孤笑於羣憂物何深而不鏡理何隱而不抽始參  
差以異序卒爛漫而同流何此歡之不可恃遂駕馬而廻



輶山礲礲五交其相軋樹翁翁音其相摻音雨浪浪音  
其不止雲浩浩其常浮知來者之不可以數音哀去此而  
無由倚郭郭音而掩涕空盡日以遲留

古詩

元和聖德詩并序

臣愈頓首再拜言臣伏見皇帝陛下卽位以來詠流姦臣  
朝廷清明無有欺蔽外斬楊惠琳劉闢以取夏蜀東定青  
徐積年之叛海內怖駭不敢違越郊天告廟神靈歡喜風  
雨晦明無不從順太平之期適當今日臣蒙被恩澤日與  
羣臣序立紫宸殿陛下親望穆穆之光而其職業又在以  
經籍教導國子誠宜率先作歌詩以稱道盛德不可以辭

語淺薄不足以自效爲解輒依古作四言元和聖德詩一  
篇凡千有二十四字指事實錄具載明天子文武神聖以  
警動百姓耳目傳示無極其詩曰

皇帝卽作物無違拒曰暘而暘曰雨而雨維是元年有盜  
在夏欲覆其州以踵近武皇帝曰嘻豈不在我負鄙爲艱  
縱則不可出師征之其衆十旅軍其城下告以福禍腹敗  
枝披不敢保聚擲首俾音外降旛夜豎疆外之險莫過蜀  
土韋臯去鎮劉闢守後血人于牙不肯吐口開庫唱士曰  
隨所取汝張汝弓汝鼓汝鼓汝爲表書求我帥汝事始上  
聞在列咸怒皇帝曰然嗟遠士女苟附而安則且付與讀  
命於庭出節少府朝發京師夕至其部闢喜謂黨汝振而



伍蜀可全有此不當受萬牛鬻力轉切炙萬甕行酒以錦纏  
股以紅帕首有恠暗其兇有餌其誘其出穰穰音隊隊以萬  
數遂劫東川遂據城阻皇帝曰嗟其又可許爰命崇文分  
卒禁禦有安其驅無暴我野日行三十徐瑩其右關黨聚  
謀鹿頭是守崇文奉詔進退規矩戰不貪殺擒不濫數四  
方節度整兵頓馬上章請討俟命起坐皇帝曰嘻無汝煩  
苦荆并泊梁在國門戶出師三千各選爾醜四軍齊作殷  
其如皇或拔其角或脫其距長驅洋洋無有齟齬音語八月  
壬午關棄城走載妻與妾包裹稚乳是日崇文入處其宇  
分散逐捕搜原別數關窮見窘無地自處俯視大江不見  
洲渚遂自顛倒若杵投曰取之江中枷脰音械手婦女繫

纍啼哭拜叩來獻闕下以告廟社周示城市咸使觀覩解  
脫攀索夾以砧斧婉婉弱子赤立音僂音牽頭曳足先  
斷膏臂次及其徒體骸撐音切音住音塚音未乃取關駭汗如  
寫音揮刀紛紛爭刈音膾脯優賞將吏扶珪綴組帛堆其  
家粟塞其庾哀隣陣歿廩給孤寡贈官封墓周市宏溥經  
戰伐地寬免租簿施令酬功急疾如火大地中間莫不順  
序幽恒青魏東盡海浦南至徐蔡區外雜虜恒威報德跋  
踏蹈舞掉棄兵革私習簋簠來請來覲十百其耦皇帝曰  
吁伯父叔舅各安爾位訓厥音晦正月元日初見宗祖躬  
執百禮登降拜俯薦于新宮視瞻梁杞音感見容色淚落  
入俎侍祠之臣助我惻楚乃以上辛於郊用牡除于國南



鱗笏毛篋音巨廬幕周施開揭音可獸盾音九騰擊

加音切圓壇帖安天兵四羅旂常音切娜音切駕龍十二

魚魚雅雅宵昇于丘奠璧獻掌衆樂驚作轟庭音融台紫

焰嘘呵高靈下墮羣星從坐錯落侈哆音者日君月妃煥

赫嫫音切烏果音切姬音切瀆鬼濛鴻嶽祇業音我我音我飲沃羶薌產

祥降嘏鳳皇應奏舒翼自拊赤麟黃龍透音威陀結糾卿士

庶人黃童白叟踊躍歡呀失喜噎歐音切乾清坤夷境落

褰舉帝車迴來日正當午幸丹鳳門大赦天下滌濯剗磔

磨滅瑕垢續功臣嗣拔賢任耆孩養無告仁滂施厚皇帝

神聖通達今古聽聰視明一似堯禹生知法式動得理所

天錫皇帝為天下主并包畜養無異細鉅億載萬年敢有

違者皇帝儉勤盥濯陶瓦斤遣浮華好此締紵勅戒四方

侈則有咎天錫皇帝多麥與黍無召水旱耗于雀鼠億載

萬年有富無窶皇帝正直別白善否擅命而狂既翦既去

盡逐羣姦靡有遺侶天錫皇帝厖臣碩輔博問遐觀以置

左右億載萬年無敢余侮皇帝大孝慈祥悌友怡怡愉愉

奉太皇后決于族親濡及九有天錫皇帝與天齊壽登茲

太平無怠永久億載萬年為父為母博士臣愈職是訓詁

作為歌詩以配吉甫

琴操十首并序

將歸操 孔子之趙聞殺鳴犢作 秋之水兮其色幽幽我將濟兮不得其由涉其淺兮石



我足乘其深兮龍入我舟我濟而悔兮將安歸尤歸兮歸  
兮無與石鬪兮無應龍求

倚蘭操 孔子傷不逢時作

蘭之猗猗揚揚其香不採而佩於蘭何傷今天之旋其曷  
為然我行四方以日以年雪霜貿貿齧齧薺麥之茂子如不  
傷我不爾觀薺麥之茂薺麥之有君子之傷君子之守

龜山操 孔子以季桓子受齊女樂諫不從望龜山

而作

龜之氛兮不能雲雨龜之枿牙葛切兮不中梁柱龜之大兮  
祇以奄魯知將隳兮哀莫余伍周公有鬼兮嗟余歸輔

越裳操 周公作

雨之施物以孳我何意於彼為自周之先其艱其勤以有  
疆宇私我後人我祖在上四方在下厥臨孔威敢戲以侮  
孰荒于門孰治于田四海既均越裳是臣

拘幽操 文王美里作

目窈窕兮其凝其盲耳肅肅兮聽不聞聲朝不日出兮夜  
不見月與星有知無知兮為死為生嗚呼臣罪當誅今天  
王聖明

岐山操 周公為太王作

我家于幽自我先公伊我承序敢有不同今狄之人將土  
我疆民為我戰誰使死傷彼岐有咀我往獨處爾莫余追  
無思我悲



履霜操

尹吉甫子伯奇無罪為後母譖而見逐自

傷作

父兮兒寒母兮兒饑兒罪當答逐兒何為兒在中野以宿  
以處四無人聲誰與兒語兒寒何衣兒饑何食兒行于野  
履霜以足母生衆兒有母憐之獨無母憐兒寧不悲

雉朝飛操

牧犢子七十無妻見雉雙飛感之而作

雉之飛于朝日羣雌孤雉意氣橫出當東而西當啄而飛  
隨飛隨啄羣雌粥粥嗟我雖人曾不如彼雉雞生身七十  
年無一妾與妃

別鵠操

商陵穆子娶妻五年無子父母欲其改娶

其妻聞之中夜悲嘯穆子感之而作

雄鵠銜枝來雌鵠啄泥歸巢成不生子大義當乖離江漢  
水之大鵠身鳥之微更無相逢日且可繞樹相隨飛

殘形操

曾子夢見一狸不見其首作

有獸維狸兮我夢得之其身孔明兮而頭不知吉凶何為  
兮覺坐而思死咸上天兮識者其誰

南山詩

吾聞京城南茲維羣山園東西兩際海巨細難悉究山經  
及地志茫昧非受授團辭試提挈挂一念萬漏欲休諒不  
能粗叙所經觀嘗昇崇丘望戢戢見相湊晴明出稜角縷  
脉碎分繡蒸嵐相頌洞表裏忽通透無風自飄簾融液煦  
柔茂橫雲時平疑點點露數岫天空浮脩眉濃綠畫新就



孤撐有巉絕海浴寒鵬噉音春陽潛沮如音濯濯吐深秀

巖巖雖律音萃音及音輒弱類含耐音夏炎白木盛蔭鬱增

埋覆神靈日音歆音歆雲氣爭結構秋霜喜刻音轢音磔音卓

立癯瘦參差相疊重剛耿陵宇宙冬行雖幽墨水雪工琢

鏤新曦照危峨億丈恒高表音候明昏無停態頃刻異狀

候西南雄太白突起莫間楚音初音救藩都配德運分宅占丁

戊音辯逍遙越坤位詆訐陷乾實空虛寒兢兢風氣較搜漱

朱維方燒日陰霰縱騰音糅音救昆明大池北去覲偶晴晝

絲聯窮俯視倒側困清漚微瀾動水面踊躍躁音孫音奴音刀狄

音抽驚呼惜破碎仰喜呀不什前尋徑杜墅空音滿音問蔽畢原

陋崎嶇上軒昂始得觀覽富音敷音救行行將遂窮嶺陸煩互

走音勃然思坼裂擁掩難恕宥巨靈與夸蛾遠賈音期必

售還疑造物意固護蓄精祐力雖能排幹雷電怯呵詬攀

緣脫手足蹭蹬抵積蹙茫如試矯首音塌音塞生恂音慙音茂

威容喪蕭爽近新迷遠舊拘官計日月欲進不可又因緣

窺其湫凝湛閔陰音聾音魚蝦可俯撥神物安敢寇林柯有

脫葉欲墮鳥驚救爭街響環飛投棄急哺音齧音旋歸道廻

睨達枿壯復奏吁嗟信奇怪峙質能化質前年遭譴謫探

歷得邂逅初從藍田入顧眄勞頸脰時天晦大雪淚目苦

朦瞶音峻塗拖長冰直上若懸溜寒衣步推馬顛蹶退且

復蒼黃忘遐晷所矚纔左右杉篁咤音蒲蘇杲耀攢介胃

專心穩平道脫險逾避臭昨來逢清霽宿願忻始副音崢



嶸音躋冢頂條閃雜麗音馳音前低劃音開闊爛漫堆衆  
 皴或連若相從或蹙若相關或妥若弭伏或陳若驚雉或  
 散若瓦解或赴若輻湊或翩若船遊或決若馬驟或背若  
 相惡或向若相佑或亂若抽筍或噪音若注灸或錯若繪  
 畫或繚若篆籀音或羅若星離或翁若雲逗音或浮若波  
 濤或碎若鋤耨或如賁育倫賭勝勇前購先強勢已出後  
 鈍噴詛音譎音壽音或如帝王尊叢集朝賤幻雖親不褻狎雖  
 遠不悖謬或如臨食案肴核紛飭音定餽音又如遊九原  
 墳墓包擗柩或纍若盆甕或揭若甌豆或覆若曝鼈或頽  
 若寢獸或蜿若藏龍或翼若搏鸞音或齊若友朋或隨若  
 先後或迸若流落或顧若宿留音或戾若仇讐或密若婚

媻或儼若峨冠或翻若舞袖或屹若戰陣或圍若蒐狩或  
 靡然東注或偃然北首音或如火熺熺或若氣饋音留音  
 或行而不輟或遺而不收音或斜而不倚或弛而不毅或  
 赤若禿鬣音或燠若柴樵音或如龜折先或若封分繇  
音或前橫若剝音或後斷若姤延離又屬夫夫叛還遘喁  
音魚闖音萍落落月經宿閭閭樹牆垣巘巘架庫廐參  
 參削劔戟煥煥街瑩瑩音敷敷花披蔓闌闌音屋摧雷悠  
 悠舒而安兀兀狂以狃音教超超出猶奔蠢蠢駭不憚大  
 哉立天地經紀肖營滕厥初孰開張僂俛誰勸侑創茲村  
 而巧戮力忍勞疾得非施斧斤無乃假詛呪鴻荒竟無傳  
 功大莫酬儻嘗聞於祠官芬苾降歆嗅斐然作歌詩惟用



贊報音又

謝自然詩

果州南充縣寒  
學其術乃在金  
魅恍惚難具言  
自冥冥天白日  
屬睽觀者徒傾  
茫茫八紘大影  
車領官吏忙俗  
僊事灼灼信可  
翹翹莫逢旃逶

女謝自然童騃無所識但聞有神僊輕生  
朶山繁華榮慕絕父母慈愛捐疑心感魅  
朝坐空室雲霧生其間如聆笙等韻來  
變幽晦蕭蕭風景寒簷楹暫明滅五色光  
駭躑躅詎敢前須臾自輕舉飄若風中煙  
響無由緣里胥上其事郡守驚且歎平聲驅  
爭相先入門無所見冠履同蛻蟬皆云神  
傳余聞古夏后象物知神姦山林民可入  
迤不復振後世恣欺謾幽明紛雜亂人鬼

更相殘秦皇雖篤好漢武洪其源自從二主來此禍竟連  
連木石生怪變狐貍騁妖患平聲莫能盡性命安得更長延  
人生處萬類知識最為賢奈何不自信反欲從物遷往者  
不可悔孤魂抱深冤來者猶可誠余言豈空文人生有常  
理男女各有倫寒衣及饑食在紡績耕耘下以保子孫上  
以奉君親苟異於此道皆為棄其身噫乎彼寒女永託異  
物羣感傷遂成詩昧者宜書紳

秋懷詩十一首

窻前兩好樹衆葉光蕤蕤秋風一披拂策策鳴不已微燈  
照空牀夜半偏入耳愁憂無端來感歎成坐起天明視顏  
色與故不相似羲和驅日月疾急不可恃浮生雖多塗趨



死惟一軌胡爲浪自苦得酒且歡喜

白露下百草蕭蘭共雕悴青青四牆下已復生滿地寒蟬

暫寂寞蟋蟀鳴自恣運行無窮期稟受氣苦異適時各得

所松柏不必貴

彼時何卒卒蒼沒切我志何曼曼音萬犀首空好飲廉頗尚能

飯學堂日無事驅馬適所願茫茫出門路欲去聊自勸歸

還閱書史文字浩千萬陳跡竟誰尋賤嗜非貴獻丈夫意

有在女子乃多怨

秋氣日惻惻秋空日凌凌上無枝上凋下無盤中蠅豈不

感時節耳目去所憎清曉卷書坐南山見高稜其下澄秋

水有蛟寒可憎惜哉不得往豈謂吾無能

離離掛空悲感感抱虛警露泣秋樹高蟲弔寒夜永歛退

就新慵趨營悼前猛歸愚識夷塗汲古得脩綆名浮猶有

耻味薄真自幸庶幾遺悔尤卽此是幽屏

今晨不成起端坐盡日景蟲鳴室幽幽月吐窻間問喪懷

若迷方浮念劇含梗塵埃慵伺候文字浪馳騁尚須勉其

頑王事有朝請

秋夜不可晨秋日苦易暗我無汲汲志何以有此憾寒雞

空在樓缺月煩屢瞰有琴具徽絃再鼓聽愈淡古聲久埋

滅無由見真濫低心逐時趨苦勉祇能暫有如乘風船一

縱不可纜不如覩文字丹鉛事點勘豈必求贏餘所要石

與旣



卷卷落地葉隨風走前軒鳴聲若有意顛倒相追奔空堂  
黃昏暮我坐默不言童子自外至吹燈當我前問我我不  
應饋我我不餐退坐西壁下讀詩盡數編作者非今士相  
去時已干其言有感觸使我復悽酸顧謂汝童子置書且  
安眠丈夫屬有念事業無窮年

霜風侵梧桐衆葉著樹乾空塔一片下墜若摧琅玕謂是  
夜氣滅望舒音韻其團青真無依倚飛轍危難安驚起出  
戶視倚櫺久沈音韻瀾憂愁費景日月如跳丸迷復不計  
遠為君駐塵鞍

暮暗來客去羣音韻貴客收聲悠悠偃宵寂音韻抱秋明世  
累忽進慮外憂遂侵誠強懷張不滿弱念缺已盈詰屈避

語穿真茫觸心兵敗虞千金棄得比寸草榮知耻足為勇  
晏然誰汝令

鮮鮮霜中菊既晚何用好揚揚弄芳蝶爾生還不早運窮  
兩值遇婉變死相保西風蟄龍蛇衆木日凋槁由來命分  
爾泯滅豈足道

赴江陵途中寄贈王二十補闕李十一拾遺李二十

六員外翰林三學士

孤臣昔放逐血泣追愆尤汗漫不省識音韻恍如乘桴浮或  
自疑上䟽上䟽豈其由是年京師旱田畝少所收上憐民  
無食征賦半已休有司恤經費未免煩徵求富者既云急  
貧者固已流傳聞閭里間赤子棄渠溝持男易斗粟掉臂



莫肯酬我時出衢路餓者何其稠親逢道邊死佇立久  
嘔歸舍不能食有如魚中鉤適會除御史誠當得言秋拜  
疏移閣門爲忠寧自謀上陳人疾苦無令絕其喉下陳畿  
甸內根本理宜優積雪驗豐熟幸寬待蠶麤天子惻然感  
司空歎稠繆謂言卽施設乃反遷炎州同官盡才俊偏善  
柳與劉或慮語言洩傳之落冤讐二子不宜爾將疑斷還  
不中使臨門遺頃刻不得留病妹臥牀褥分知隔明幽悲  
啼乞就別百請不領頭弱妻抱稚子出拜忘慚羞僂俛不  
廻顧行行詣連州朝爲青雲士暮作白頭囚商山季冬月  
冰凍絕行輶春風洞庭浪出沒驚孤舟逾嶺到所任低顏  
奉君侯酸寒何足道隨事生瘡疣遠地觸途異吏民似獲

猴生猥妮

耕

多忿狠辭舌紛嘲啁白日屋簷下雙鳴鸛

鷓有蛇類兩首有蠱羣飛游窮冬或搖扇盛夏或重裘

鷓起最可畏

音

鷓

鷓陵白雷霆助光怪氣象難比

侔癘疫忽潛遘十家無一瘳猜嫌動置毒對案輒懷愁前

日遇恩赦私心喜遂憂果然又羈繫不得歸糊糲此府雄

且大騰凌盡戈矛棲棲法曹掾何處事卑陬生平企仁義

所學皆孔周早知大理官不列三后儔何況親犴獄敲

榜音發姦偷懸知失事勢恐自罹且累音湘水清且急涼

風日脩脩胡爲首歸路旅泊尚夷猶昨者京使至嗣皇傳

冕旒赫然下明詔首罪誅共咬音復聞顛天輩峨冠進

鴻疇班行再肅穆璜珮鳴琅璆音佇繼貞觀烈邊封荒堯



整音三賢推侍從卓犖傾枚鄒高議參造化清文煥皇猷  
協心輔齊聖致理同毛輶小雅詠鹿鳴食草貴呦呦遺風  
邈不嗣豈憶嘗同稠矢志早衰換前期擬蟬蛻自從齒牙  
缺始慕舌爲柔因疾鼻又塞漸能等薰猶深思罷官去畢  
命依松楸空懷焉能果但見歲已邁殷湯閔禽獸解網祝  
蛛蝥雷煥掘寶劍冤氛銷斗牛茲道誠可尚誰能借前壽  
殷勤謝吾友明月非暗投

暮行河堤上

暮行河堤上四顧不見人衰草際黃雲感歎愁我神夜歸  
孤舟臥展轉空及晨謀計竟何就嗟嗟世與身

夜歌

靜夜有清光閑堂仍獨息念身幸無恨志氣方自得樂哉  
何所夢所憂非我力

重雲一首李觀疾贈之

天行失其度陰氣來干陽重雲閉白日炎燠成寒涼小人  
但咨怨君子惟憂傷飲食爲減少身體豈寧康此志誠足  
貴懼非職所當藜藿尚如此肉食安可嘗窮冬百草死幽  
桂乃芬芳且况天地間大運自有常勸君善飲食鸞鳳本  
高翔

江漢一首答孟郊

江漢雖云廣乘舟渡無艱流沙信難行馬足常往還凄風  
結衝波孤裘能禦寒終宵處幽室華燭光爛爛苟能行忠



信可以居夷蠻嗟余與夫子此義每所敦何爲復見贈  
繼在不謬

長安交遊者一首贈孟郊

長安交遊者貧富各有徒親朋相過時亦各有以娛陋室  
有文史高門有笙竽何能辨榮悴且欲分賢愚

岐山下二首

誰謂我有耳不聞鳳皇鳴鳩來岐山下日暮邊鴻驚○丹  
穴五色羽其名爲鳳皇昔周有盛德此鳥鳴高岡和聲隨  
祥風窅窅相飄揚聞者亦何事但知時俗康自從公旦死  
千載閱其光吾君亦勤理續爾一來翔

韓文卷之一終

韓文卷之二

古詩

北極一首贈李觀

北極有躡羽南溟有沈鱗川源浩浩隔影響兩無因風雲  
一朝會變化成一身誰言道里遠感激疾如神我年二十  
五求友昧其人哀歌西京市乃與夫子親所尚苟同趨賢  
愚豈異倫方爲金石姿萬世無緇磷無爲兒女態憔悴悲  
賤貧

此日足可惜一首贈張籍

此日足可惜此酒不足嘗捨酒去相語共分一日光念昔  
未知子孟君自南方自矜有所得言子有文章我名屬相



府欲往不得行思之不可見百端在中腸維時月魄死冬  
日朝在房驅馳公事退聞子適及城命車載之至引坐於  
中堂開懷聽其說徃徃副所望孔丘歿已遠仁義路久荒  
紛紛百家起詭怪相披猖長老守所聞後生習爲常少知  
誠難得純粹古已亡譬彼植園木有根易爲長留之不遣  
去館置城西旁歲時未云幾浩浩觀湖江衆夫指之笑謂  
我知不明兒童畏雷電魚鼈驚夜光州家舉進士選試繆  
所當馳辭對我策章句何焯煌相公朝服立工席歌鹿鳴  
禮終樂亦闕相拜送於庭之子去須臾赫赫流盛名竊喜  
復竊歎諒知有所成人事安可恒奄忽令我傷聞子高第  
日正從相公喪哀情逢古語音愴恍音助難爲雙暮宿偃

師西徒展轉在林夜聞汴州亂遠壁行徬徨我時留妻子  
倉卒不及將相見不復期零落甘所丁驕兒未絕乳念之  
不能忘忽如在我所耳若聞啼聲中途安得返一日不可  
更俄有東來說我家免罹殃乘船下汴水東去趨彭城從  
喪朝至洛還走不及停假道經盟津出入行澗岡日西入  
軍門羸馬顛且僵主人願少留延入陳音觴卑賤不敢辭  
忽忽心如狂飲食豈知味絲竹徒轟轟音平明脫身去决若  
驚鳧翺黃昏次汎音水欲過無舟航音吁久乃至夜濟十  
里黃中流上灘潭音沙水不可詳驚波音啗合沓星宿爭翻  
芒轅馬躡躅鳴左右泣僕童甲午憇時音門臨泉窺闕龍東  
南出陳許陂澤平茫茫道邊草木花紅音不相低昂百里不



逢人角角雄雉鳴行行二月暮乃及徐山疆下馬步堤岸  
上船拜吾兄誰云經艱難百口無天殤僕射南陽公宅我  
睢水陽篋中有餘衣盎中有餘糧閉門讀書史窻戶忽已  
涼日念子來遊子豈知我情別離未爲久辛苦多所經對  
食每不飽共言無倦聽連延三十日晨坐達五更我友二  
三子宦遊在西京東野窺禹穴李翱觀濤江蕭條千萬里  
會合安可逢淮之水舒舒楚山直叢叢子又捨我去我懷  
焉所窮男兒不再壯百歲如風狂高爵尚可求無爲守一  
鄉

幽懷

幽懷不能寫行此春江濤適與佳節會士女競光陰凝糝

耀洲渚繁吹蕩人心間關林中鳥亦知和爲音豈無一罇  
酒自酌還自吟但悲時易失四序迭相侵我歌君子行視  
古猶視今

君子法天運

君子法天運四時可前知小人惟所遇寒暑不可期利害  
有常勢取捨無定姿焉能使我心皎皎遠憂疑

落葉一首送陳羽

落葉不更息斷蓬無復歸飄飄終自異邂逅暫相依悄悄  
深夜語悠悠寒月輝誰云少年別流淚各霑衣

歸彭城

天下兵又動太平竟何時訐謨者誰子無乃失所宜前年



關中旱閭井多死饑去歲東郡水生民爲流屍上天不虛  
應禍福各有隨我欲進短策無由至彤墀列肝以爲紙瀝  
血以書辭上言陳堯舜下言引龍夔言詞多感激文字少  
歲音威裝一讀已自怪再尋良自疑食芹雖云美獻御固已  
癡緘封在骨髓耿耿空自竒昨者到京城屢陪高車馳周  
行多俊異議論無瑕疵見待頗異禮未能去毛皮到口不  
敢吐徐徐俟其巖歸來戎馬間驚顧似羈雌連日或不語  
終朝見相欺乘閒輒騎馬茫茫詣空陂遇酒卽酩酊君知  
我爲誰

醉後

煌煌東方星奈此衆客醉初喧或忿爭中靜雜嘲戲淋漓

身上衣顛倒筆下字人生如此少酒賤且勤置

醉贈張秘書

人皆勸我酒我若耳不聞今日到君家呼酒持勸君爲此  
座上客及余各能文君詩多態度藹藹春空雲東野動驚  
俗天葩吐竒芬張籍學古淡軒鶴避雞羣阿買不識字頗  
知書八分詩成使之寫亦足張吾軍所以欲得酒爲文俟  
其醺酒味旣冷列酒氣又氛氳性情漸浩浩諧笑方云云  
此誠得酒意餘外徒續紛長安衆富兒盤饌羅羶葷不解  
文字飲惟能醉紅裙雖得一餉樂有如聚飛蚊今我及數  
子固無藉與薰險語破鬼膽高詞嬾皇墳至寶不雕琢神  
功謝鋤耘方今向太平元凱承華勛吾徒幸無事庶以窮



朝曛

同冠峽

南方二月半春物亦已少維舟山水間晨坐聽百鳥宿雲  
尚含姿朝日忽升曉靄旅感和鳴囚拘念輕矯潺湲淚久  
迸詰曲思增繞行矣且無然蓋棺事乃了

送惠師

惠師浮屠者乃是不羈人十五愛山水超然謝朋親脫冠  
剪頭髮飛步遺蹤塵發跡入四明梯空上秋旻遂登天台  
望衆壑皆嶙峋夜宿最高頂舉頭看星辰光芒相照燭南  
北爭羅陳炫地絕翔走自然巖且神微風吹木石澎湃聞  
韶鈞夜半起下視溟波街日輪魚龍驚踊躍叫嘯成悲辛

怪氣或紫赤敲磨共輪困金鷄既騰翥六合俄清新常聞  
禹穴竒東去窺甌閩越俗不好古流傳失其真幽蹤邈難  
得聖路嗟長堙廻臨浙江濤屹起高峨岷壯志死不息千  
年如隔晨是非竟何有棄去非吾倫凌江詣廬嶽浩蕩極  
遊巡崔萃沒雲表陂陀浸湖淪是時雨初霽懸瀑垂天紳  
前年往羅浮步屐南海濇音大哉陽德盛榮茂恒留春鵬  
鷺墮長翮鯨戲側脩鱗自來連州寺曾未造城圍音日攜  
青雲客探勝窮崖濱太守邀不去羣官請徒頻囊無一金  
資翻謂富者貧昨日忽不見我令訪其鄰奔波自追及把  
手問所因顧我却興歎君寧異於民離合自古然辭別安  
足珍吾聞九疑好夙志今欲伸斑竹啼舜婦清湘沈楚臣



衡山與洞庭此固道所循尋崧方抵洛歷華遂之秦浮游  
靡定處偶徃卽通津吾言子當去子道非吾遵江魚不池  
活野鳥難籠馴吾非西方教憐子在且醇吾嫉惰遊者憐  
子愚且醇去矣各異趣何爲浪霑巾

送靈師

佛法入中國爾來六百年齊民逃賦役高士著幽禪官吏  
不之制紛紛聽其然耕桑日失隸朝署時遺賢靈師皇甫  
姓胤胄本蟬聯少小涉書史早能綴文篇中間不得意失  
跡成延遷逸志不拘教軒騰斷牽學圍碁關白黑生死隨  
機權六博在一擲梟盧叱廻旋戰詩誰與敵浩汗橫戈鋌  
音飲酒盡百觥嘲諧思逾鮮有時醉花月高唱清且絲四

座咸寂默杳如奏湘絃尋勝不憚險黔江屢迴沿瞿塘五  
六月驚電讓歸船怒水忽中裂千尋墮幽泉環廻勢益急  
仰見團團天投身豈得計性命甘徒捐浪沫感翻涌漂浮  
再生全同行二十人魂骨俱坑填靈師不掛懷冒涉道轉  
延開忠二州牧詩賦時多傳失職不把筆珠璣爲君編強  
留費日月密席羅嬋娟昨者至林邑使君數開筵逐客三  
四公盈懷贈蘭荃湖游泛濟沆溪宴駐潺湲別語不許出  
行裾動遭牽鄰州競招請書札何翩翩十月下桂嶺乘寒  
恣窺綠落落王員外爭迎獲其先自從入賓館占恠久能  
專吾徒頗攜被接宿窮歡妍聽說兩京事分明皆眼前縱  
橫雜謠俗瑣屑咸羅穿材調真可惜朱丹在磨研方將歛



之道且欲冠其顛韶陽李太守高步陵雲煙得客輒忘食  
開囊乞繒錢手持南曹叙字重青瑤鑄古氣參豕繫高標  
推太玄維舟事干謁披讀頭風痊還如舊相識傾壺暢幽  
悵以此復留滯歸驂幾時鞭

縣齋有懷

少小尚竒偉平生足悲吒陸駕切猶嫌子夏儒肯學樊遲稼  
事業窺臯稷文章茂曹謝濯纓起江湖綴珮雜蘭麝悠悠  
指長道去去策高駕誰爲傾國媒自許連城價初隨計吏  
貢屢入澤宮射雖免十上勞何能一戰霸人情忌殊異世  
路多權詐蹉跎顏遂低摧折氣愈下台長信非罪侯生或  
遭罵懷書出皇都銜淚渡清灞身將老寂寞志欲死閑暇

朝食不盈腸冬衣纔掩骼枯駕切軍書旣頻召戎馬乃連跨

大梁從相公彭城赴僕射弓箭圍狐兔絲竹羅酒肉兩府

變荒涼三年就休假求官去東洛犯雪過西華塵埃紫陌

春風雨靈臺夜名聲荷朋友援引乏姻婭雖陪彤庭臣詎

縱青冥韋韞音霸寒空聳危闕曉色曜脩架捐軀辰在丁鍛音

翻時方措音投荒誠職分領邑幸寬赦湖波翻日車嶺石

坼天鱗毒霧恒熏晝炎風每燒夏雷威固已加颶勢仍相

借氣象杳難測聲音吁可怕夷言聽未慣越俗循猶乍指

摘兩憎嫌睚眦互猜訝祗緣恩未報豈謂生足藉嗣皇新

繼明率土日流化惟思條瑕垢長去事桑柘音斷音嵩開雲

肩壓頰抗風榭禾麥種滿地梨棗栽統舍兒童稍長成雀



鼠得驅嚇音官租日輸納村酒時邀近閑愛老農愚歸弄  
小女姪切駕如今便可爾何用畢婚嫁

合江亭

紅亭枕湘江蒸水會其左瞰臨眇空闊綠淨不可唾維葺  
經營初邦君實王佐翦林遷神祠買地費家貨梁棟宏可  
愛結構麗匪過伊人去軒騰茲宇遂頽挫老郎來何暮高  
唱久乃和樹蘭盈九畹音栽竹逾萬个長綆汲滄浪幽蹊  
下坎珂波濤夜俯聽雲樹朝對臥初如遺宦情終乃最郡  
課人生誠無幾事往悲豈柰音蕭條絲歲時契闊繼庸懦  
勝事誰復論醜聲日已播中丞黜凶邪天子閔窮餓君侯  
至之初問里自相賀淹滯樂閑曠勤苦勸懣惰爲余掃塵

階命樂醉衆座窮秋感平分新月憐半破願書巖上石勿  
使泥塵浣音

陪杜侍御遊湘西兩寺獨宿有題一首因獻楊常侍

長沙千里平勝地猶在險况當江闊處斗起勢匪漸深林  
高玲瓏青山上琬琰路窮臺殿闕佛事煥且儼剖竹走泉  
源開廊架崖音巖是時秋之殘暑氣尚未斂羣行忘後先  
朋息棄拘檢客堂喜空涼華榻有清簟澗蔬煮蒿芹水果  
剥菱芡饋伊余夙所慕陪賞亦云忝幸逢車馬歸獨宿門  
不掩山樓黑無月漁火燦星點夜風一何喧杉檜屢磨滅  
猶疑在波濤怵惕夢成魘靜思屈原沈遠憶賈誼貶  
椒蘭爭妬忌絳灌共讒諂誰令悲生腸坐使淚盈臉翻飛



之羽翼指摘困瑕玷音貂韶藩維重政化類分陝禮賢道  
何優奉已事苦儉大厦棟方隆巨川楫行剡經營誠少暇  
遊宴固已歉旅程愧淹留徂歲嗟荏苒平生每多感柔翰  
遇頻染展轉嶺猿鳴曙燈青耿耿音

岳陽樓別竇司直

洞庭九州間厥大誰與讓南匯羣崖水北注何奔放猶爲  
七百里吞納各殊狀自古澄不清環混無歸向炎風日搜  
攪幽恠多冗長鞞軒然大波起宇宙隘而妨譖魏義拔高  
華騰踔較健壯聲音一何宏轟輟駘車萬兩猶疑帝軒轅  
張樂就空曠蛟螭路筮箒編練吹組帳鬼神非人世節奏  
頗跌音陽施見誇麗陰閉感悽愴朝過宜春口極北缺

堤障夜纜已陵洲叢芮纔可傍星河盡涵泳俯仰迷下上  
餘瀾怒不已喧聒鳴壑益明登岳陽樓輝煥朝日亮飛廉  
戢其威清晏息纖纒泓澄湛凝綠物影巧相況江豚時出  
戲驚波忽蕩漾時當冬之孟隙竅縮寒漲前臨指近岸側  
坐眇難望滌濯神魂醒幽懷舒以暢主人孩童舊握手乍  
忻悵憐我竄逐歸相見得無恙開筵交履舄爛漫倒家釀  
杯行無留停高柱送清唱中盤進橙栗投擲傾脯誓歡窮  
悲心生婉孌不能忘黯念昔始讀書志欲干霸王屠龍破  
千金爲藝亦云亢愛才不擇行觸事得讒謗前年出官由  
此禍最無妄公卿採虛名擢拜識天仗姦猜畏彈射斥逐  
恣欺誑新恩移府庭逼側厠諸將干嗟苦鴛緩但恐失宜



當追思南渡時魚腹甘所葬嚴程迫風帆勞箭入高浪顛  
沈在須臾忠鯁誰復諒生還真可喜冠已自懲創庶從今  
日後粗識得與喪事多改前好趣有獲新尚誓耕十畝田  
不取萬乘相細君知蠶織稚子已能餉行當掛其冠生死  
君一訪

送文暢師北遊

昔在四門館晨有僧來謁自言本吳人少小學城闕已窮  
佛根源粗識事輒軌攀拘屈吾真戒轄思遠發薦紳秉筆  
徒聲譽耀前闕從求送行詩屢造忍顛蹶今成十餘卷浩  
汗羅斧鉞先生閔窮巷未得窺剖音厥音又聞識大道何  
路補剝削出其囊中文蒲聽實清越謂僧當少安草序頗

排訐上論古之初所以施賞罰下開迷惑胸音宰音豁音劓株

壓音僧時不聽瑩若飲水救渴音風塵一出門時日多如

髮三年竄荒嶺守縣坐深樾音微租聚異物詭製恒巾鞞

幽窮共誰語思想甚含噦音昨來得京官照壁喜見蝎

歌音况逢舊親識無不比鷄音兼音歷音長安多門戶弔慶少休

歇而能勤來過重惠安可揭當今聖政初恩澤完音猗音出

狨音胡為不自暇飄戾逐鷗鷹音僕射領北門威德

壓胡羯相公鎮幽都竹帛爛動伐酒場舞閨姝獵騎圍邊

月開張篋中寶自可得津筏從茲富裘馬寧復茹藜蕨余

期報恩後謝病老耕岱音庇身指蓬茅逞志縱後勅音獨

僧還相訪來山藥煮可掘



荅張徹

辱贈不知報我歌爾其聆首叙始識面次言後分形道途  
 絲萬里日月垂十齡浚郊避兵亂睢岸連門停肝膽一古  
 劍波濤兩浮萍漬墨竄舊史磨丹注前經義苑手秘寶文  
 堂耳驚寔暄晨躡露鳥暑夕眠風樞結友子讓抗請師我  
 慚丁初味猶噉蔗遂通斯建瓴搜竒日有富嗜善心無寧  
 石梁平佺佺音沙水光泠泠乘枯槁野豔沈細抽潛腥遊  
 寺去陟巘尋徑返穿汀綠雲竹竦竦失路麻冥冥滌潦忽  
 翻野平蕪眇開滇防泄暫夜塞懼衝城晝扁及去事戎轡  
 相逢宴軍伶觥秋縱兀兀獵旦馳駟駟古螢切從賦始分手  
 朝京忽同舫音急時促暗棹戀月留虛亭畢事驅傳馬安

居守窻螢梅花灞水別宮燭驪山醒省選逮投足鄉賓尚

摧翎塵祛又一摻所減切淚背音還雙熒洛邑得休告華山

窮絕陁音倚岩睨海浪引袖拂天星日駕此迴轄金神所

司刑泉紳拖脩白石劍攢高青磴薛濶音拳跼音梯颯颯

伶俦悔狂已咋音指垂誠仍鐫銘峨豸忝備列伏蒲愧分

涇微誠慕橫草瑣力摧撞筵音疊雪走商嶺飛波航洞庭

下險疑墮井守官類均罔荒餐茹獠音蠱幽夢感湘靈刺

史肅著蔡吏人沸蝗螟點綴簿上字趨踰閣前鈴賴其飽

山水得以娛瞻聽紫樹雕斐疊音碧流滴瓏玲映波鋪遠

錦挿地列長屏愁狄音酸骨死怪花醉魂馨潛苞絳實

坼幽乳翠毛零赦行五百里月變三十萸漸階羣振鷺入



學誨蝓蛉草甘謝鳴鹿壘滿慚罄餅罔罔抱瑚璉飛飛聯  
鵲鴿魚鬣欲脫背虬光先照硯豈獨出醜類方當動朝廷  
勤來得晤語勿憚宿寒廳

薦士

周詩三百篇雅麗理訓誥曾經聖人手議論安敢到五言  
出漢時蘇李首更號東都漸瀰漫派別百川導建安能者  
七卓犖變風操逶迤抵晉宋氣象日凋耗中間數鮑謝比  
近最清奧齊梁及陳隋衆作等蟬噪搜春摘花卉公襲傷  
剽盜國朝盛文章子昂始高蹈勃興得李杜萬類因陵暴  
後來相繼生亦各臻閫奧有窮者孟郊受材實雄鷲音寘  
觀洞古今象外逐幽好橫空盤硬語安帖力排冢敷柔肆

紆餘奮猛卷海潦榮華肖天秀捷疾逾響報行身踐規矩  
甘辱耻媚竈孟軻分邪正眸子看瞭眊杳然粹而清可以  
鎮浮躁酸寒溧陽尉五十幾何耄孜孜營甘旨辛苦久所  
冒俗流知者誰指注競嘲傲聖皇索遺逸髦士日登造廟  
堂有賢相愛遇均覆燾况承歸與張二公迭嗟悼青真送  
吹嘘強箭射魯縞胡爲久無成使以歸期告霜風破佳菊  
嘉節迫吹帽念將決馬去感物增戀嫪到彼微水中荇  
尚煩左右芼音魯侯國至小廟鼎猶納郤幸當擇珉玉寧  
有棄珪瑁悠悠我之思擾擾風中燾音導上言愧無路日夜  
惟心禱鶴翎不天生變化在啄菹薄報切通波非難圖尺地  
易可漕善善不及汲後時徒悔懊救死具八珍不如一葦



猶微詩公勿謂愷悌神所勞

喜侯喜至贈張籍張徹

昔我在南時數君長在念搖搖不可止諷詠日囁音噉音齧  
如以膏濯衣每漬垢逾染又如心中疾箴石非所砭音破  
常思得遊處至死無倦厭地遐物竒怪水鏡涵石劒荒花  
窮漫亂幽獸工騰閃礙目不忍窺忽忽坐昏墊逢神多所  
祝豈忘靈卽驗依依夢歸路歷歷想行店今者誠自幸所  
懷無一欠孟生去雖索侯氏來還歎歎眠聽新詩屋角月  
豔豔雜作承閒騁交驚舌牙擔音切音他音念音續音紛音指音瑕音疵音拒音捍音阻  
城塹以余經摧挫固請發鈇槩居然妄推讓見謂藝天談  
比踈語徒妍悚息不敢占呼奴具盤餐音釘音餽音魚音菜音贍

人生但如此朱紫安足僭

古風

今日曷不樂幸時不用兵無日旣感矣乃尚可以生彼州  
之賦去汝不顧此州之役去我奚適一邑之水可走而違  
天下湯湯音傷音曷音其而歸好我衣服甘我飲食無念百年聊  
樂一日

鴛驥

鴛駘誠羅網市者何其稠力小苦易制價微良易酬渴飲  
一斗水饑食一束芻嘶鳴當大路志氣若有餘驥驥生絕  
域自矜無匹儔牽驅入市門行者不為留借問價幾何黃  
金比蒿丘借問行幾何咫尺視九州饑食玉山禾渴飲醴



泉流問誰能爲御曠世不可求惟昔穆天子乘之極遐遊  
王良執其轡造父挾其輻因言天外事茫惚使人愁駑駘  
謂騏驥餓死余爾羞有能必見用有德必見收孰云特與  
命通寒皆自由騏驥不敢言低徊但垂頭人皆劣騏驥共  
以駑駘優喟余獨興歎才命不同謀寄詩同心子爲我商  
聲謳

### 馬馱穀

馬馱穀兮十不馱糠乾音十被文繡兮士無裋褐彼其得  
志兮不我虞一朝失志兮其何如已焉哉嗟嗟乎鄙夫

### 出門

長安百萬家出門無所之豈敢尚幽獨與世實參差古人

雖已死書上有其辭開卷讀且想千載若相期出門各有  
道我道方未夷且於此中息天命不吾欺

### 嗟哉董生行

淮水出桐柏山東馳遙遙千里不能休淝水出其側不能  
千里百里入淮流壽州屬縣有安豐唐貞元時縣人董生  
召南隱居行義於其中刺史不能薦天子不聞名聲爵祿  
不及門門外惟有吏日來徵租更索錢嗟哉董生朝出至  
夜歸讀古人書盡日不得息或山而樵或水而漁入厨具  
甘旨上堂問起居父母不感感妻子不容容嗟哉董生孝  
且慈人不識惟有天翁知生祥下瑞無時期家有狗乳出  
求食雞來哺其兒啄啄庭中拾蟲蟻哺之不食鳴聲悲傍



徬躑躅久不去以翼來覆待狗歸嗟哉董生誰將與儔時  
之人夫妻相虐兄弟爲讐食君之祿而令父母愁亦獨何  
心嗟哉董生無與儔

烽火

登高望烽火誰謂塞塵飛王城富且樂曷不事光輝勿言  
日已暮相見恐行稀願君熟念此秉燭夜中歸我歌寧自  
感乃獨淚霑衣

汴州亂一首

汴州城門朝不開天狗墮地聲如雷健兒爭誇殺留後連  
屋累棟燒成灰諸侯咫尺不能救孤士何者自興哀  
母從子走者爲誰大夫夫人留後兒昨日乘車騎大馬坐

者起趨乘者下廟堂不肯用于戈嗚呼奈汝母子何

利劍

利劍光耿耿佩之使我無邪心故人念我寡徒侶持用贈  
我比知音我心如冰劍如雪不能刺讒夫使我心腐劍鋒  
折決雲中斷開青天噫劍與我俱變化歸黃泉

齷齪

齷齪當世士所憂在饑寒但見賤者悲不聞貴者歎音大  
賢事業異遠抱非俗觀報國心皎潔念時涕沈瀾妖姬坐  
左右柔指發哀彈酒肴雖日陳感激寧爲歡秋陰欺白日  
泥潦不少乾河堤決東郡老弱隨驚湍天意固有屬誰能  
詰其端願辱太守薦得充諫諍官排雲叫閭闔披腹呈琅



韓文卷之二終  
玕致君豈無術自進誠獨難

韓文卷之二終



